

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-107/26
Vareš, 28.04. 2026. godine

Na osnovu člana 13. stav 2. alineja 4., Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09, člana 13. stav 1. Zakona o pripadnosti javnih prihoda u Federaciji BiH („Službene novine Federacije BiH“, broj: 22/06, 43/08, 22/09, 35/14, 94/15 i 17/22), i člana 22. tačke 6. Statuta Općine Vareš – Prečišćeni tekst broj: 01-162/12 od 11.09. 2012. godine, Općinsko vijeće Vareš na 15. sjednici održanoj dana 28.04. 2026. godine, d o n o s i

ODLUKU

o komunalnim taksama

I. OPĆE ODREDBE

Član 1.
(Predmet)

Ovom odlukom propisuju se komunalne takse na području općine Vareš (u daljem tekstu: takse), vrste taksi, obveznici plaćanja taksi, razrez i naplata taksi, visina taksi po tarifnom broju, način i rokovi plaćanja taksi, kriteriji za utvrđivanje takse, oslobađanje od plaćanja takse, nadzor nad provođenjem ove Odluke, zone područja općine Vareš kao i druga pitanja koja se odnose na naplatu taksi.

Član 2.
(Definicije pojmova)

- (1) Definicija pojmova u smislu ove odluke:
- a) pod korištenjem poslovnog prostora u kojem se priređuju klasične igre na sreću i posebne igre na sreću, podrazumijeva se svaki prostor u kojem se priređuju klasične igre na sreću i/ili posebne igre na sreću;
 - b) držanje i izvođenje muzike uživo u ugostiteljskim objektima podrazumijeva povremeno ili svakodnevno izvođenje muzičkog programa uz pružanje ugostiteljskih usluga;
 - c) isticanje objava, oglasa i saopćenja na javnim mjestima podrazumijeva postavljanje stalnih ili privremenih banera, plakata, panoa, na javnim mjestima u štampanoj ili elektronskoj formi. Ovdje se svakako podrazumijeva reklamiranje brendova,

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba

- proizvoda ili usluga koje pružaju pravne ili fizičke osobe, ili koje imaju svrhu putokaza prema mjestu sjedišta sponzora koji ih je postavio;
- d) korištenje prostora na javnim mjestima za kampove (šatore, prikolice, motorna vozila svih kategorija), deponije materijala i drugu privremenu upotrebu;
 - e) postavljanje uređaja za isplatu i naplatu gotovine (bankomata), podrazumijeva svako zauzimanje površine radi postavljanja i instaliranja ovakvih uređaja u svrhu pružanja usluga prema konzumentima.

Član 3. (Vrste taksi)

- (1) Takse se naplaćuju za:
- a) Poslovni prostor u kojem se priređuju klasične igre na sreću i/ili posebne igre na sreću;
 - b) Držanje i izvođenje muzike uživo u ugostiteljskim objektima;
 - c) Isticanje objava, oglasa i saopćenja na javnim mjestima;
 - d) Svako korištenje prostora na mjestima za kampove (šatore, prikolice i motorna vozila svih kategorija) podrazumijeva zauzimanje prostora za privremeni boravak od strane jedne ili više osoba;
 - e) Postavljanje uređaja za isplatu i naplatu gotovine (bankomata);

Član 4. (Obveznik plaćanja takse)

- (1) Obveznici plaćanja takse su pravna i fizička lica koja su korisnici prava na postavljanje, držanje i korištenje uređaja, predmeta i dr. ili prava na korištenje prostora na području Općine, a za čije je postavljanje, držanje i korištenje propisano plaćanje takse ovom Odlukom.
- (2) Ako je za istu taksu prijavljeno više obveznika, njihova obaveza je solidarna.

II. RAZREZ I NAPLATA TAKSE

Član 5. (Nastanak obaveze plaćanja takse i namjena korištenja sredstava prikupljenih po osnovu plaćanja taksi)

- (1) Taksena obaveza nastaje danom početka korištenja prava, predmeta ili otpočinjanja vršenja usluga, za čije je korištenje propisano plaćanje takse i traje sve dok traje korištenje prava, predmeta ili vršenja usluga, ako to ovom Odlukom nije drugačije propisano.
- (2) Komunalna taksa predstavlja prihod Općine Vareš, koji se uplaćuje na depozitni račun Općine Vareš, a koristit će se za izvršavanje zakonom propisanih nadležnosti Općine Vareš, kao jedinice lokalne samouprave, uključujući i oblast unapređenja komunalne infrastrukture, razvoja poduzetništva, socijalne i dječije zaštite, kulture, sporta i slično.

Član 6. (Razrez, utvrđivanje obaveze plaćanja i naplata takse)

- (1) Razrez, utvrđivanje obaveze plaćanja, naplatu i prinudnu naplatu utvrđenih obaveza po osnovu komunalne takse iz člana 3. tačka a), b) i e) vrši Kantonalni porezni ured – Poreska ispostava Vareš u skladu sa odredbama Zakona o poreznoj upravi Federacije Bosne i Hercegovine, odredbama ove Odluke i drugim podzakonskim aktima.

(2) Utvrđivanje visine obaveza i naplatu komunalnih taksi iz člana 3. tačka c) i d) vrši nadležna Općinska služba.

Član 7.

(Načini i rokovi za podnošenje prijave takse)

(1) Prijavu za razrez komunalne takse iz člana 3. tačka a) i e) ove Odluke obveznik podnosi Poreznoj upravi - Porezna ispostava Vareš, na obrascima koji su sastavni dio ove Odluke najkasnije do 28. februara tekuće godine, prema stanju na dan 1. januar iste godine za koju se razrez vrši, odnosno u roku od sedam dana, ako je obveznik otpočeo sa obavljanjem djelatnosti u toku poslovne godine.

(2) Izuzetno, prijavu za razrez komunalne takse iz prethodnog stava ovog člana za 2026.godinu obveznik podnosi Poreznoj upravi – Porezna ispostava Vareš najkasnije do 31.05.2026. godine.

(3) Promjene nastale poslije 1. januara tekuće godine, odnosno u toku godine, obveznik je dužan prijaviti Poreznoj ispostavi, najkasnije narednog dana od dana nastanka promjene.

(4) Prijavu za utvrđivanje obaveze za plaćanje takse, određene članom 3. tačka c) i d), obveznik plaćanja takse podnosi nadležnoj Općinskoj službi na obrascima koji su sastavni dio ove Odluke.

(5) Prijavu za utvrđivanje obaveze za plaćanje takse iz člana 3. tačka b). obveznik plaćanja takse podnosi poreznoj ispostavi najkasnije tri dana prije nastanka taksene obaveze.

Član 8.

(Obaveza prijave takse)

Obveznik komunalne takse iz člana 4. ove Odluke dužan je podnijeti prijavu za komunalnu taksu utvrđenu članom 3. ove Odluke u rokovima propisanim članom 7. ove Odluke.

Član 9.

(Postupak plaćanja takse)

(1) Taksene prijave moraju biti potpune i podnesene u roku, propisanom ovom Odlukom.

(2) Obveznik plaćanja takse iz člana 3. tačka a) i e) ove Odluke, plaća taksu u godišnjem iznosu unaprijed za tekuću godinu, najkasnije do 28.2. za tekuću godinu, odnosno u roku 10 dana od dana izdavanja naloga za plaćanje od strane Kantonalnog poreznog ureda – Porezne ispostave Vareš, u skladu sa članom 41. Zakona o poreznoj upravi Federacije BiH.

(3) Izuzetno, obveznik plaćanja takse iz stava (2) ovog člana, dužan je platiti taksu za 2026. godinu unaprijed za pomenutu godinu, najkasnije do 31.05.2026. godine.

(4) Obveznik plaćanja takse iz člana 3. tačka b) ove Odluke plaća taksu dnevno po privređivanju muzike uživo;

(5) Obveznik plaćanja takse iz člana 3. tačka c) i d) ove Odluke plaća taksu u rokovima utvrđenim rješenjem nadležne Općinske službe;

(6) Ukoliko je obveznik takse započeo sa obavljanjem djelatnosti u toku poslovne godine, taksu će uplatiti unaprijed obračunatu za broj mjeseci koji je preostao do isteka poslovne godine.

(7) Ukoliko je obveznik takse prestao sa obavljanjem poslovne djelatnosti u toku poslovne godine, ima pravo na povrat dijela uplaćene takse, obračunate za broj mjeseci koji je preostao do isteka poslovne godine od dana prestanka poslovne djelatnosti.

(8) Na izdati nalog Porezne ispostave za plaćanje, obveznik ili njegov zastupnik, ima pravo prigovora Poreznoj ispostavi Vareš u skladu sa odredbama Zakona o poreznoj upravi Federacije BiH.

Član 10.
(Evidencija)

Porezna uprava i nadležne Općinske službe za upravu kontinuirano prikupljaju i evidentiraju podatke i promjene od značaja za razrez i naplatu takse.

Član 11.
(Obračun taksi)

Takse iz člana 3. ove Odluke obračunavaju se i plaćaju u visini kako je to utvrđeno Tarifom komunalnih taksi (u daljem tekstu: Tarifa) koje su navedene u Aneksu II, koji je sastavni dio ove Odluke.

Član 12.
(Pripadnost i uplata takse)

Taksa iz člana 3. ove Odluke se uplaćuje na Depozitni račun Budžeta Općine Vareš broj: 3380002210017420 otvoren kod UniCredit banke, šifra Općine 096, sa naznakom vrste prihoda 722321 u skladu sa Pravilnikom o načinu uplate javnih Prihoda budžeta i izvanbudžetskih fondova na teritoriji Federacije Bosne i Hercegovine i izvorni su prihod Općine Vareš.

Član 13.
(Neblagovremeno plaćanje takse)

Za neblagovremeno plaćanje takse propisane ovom Odlukom, plaća se zakonska zatezna kamata u skladu sa propisima Federacije Bosne i Hercegovine, koji regulišu visinu zatezne kamatne stope.

Član 14.
(Povrat takse)

(1) Obveznik koji je platio taksu, koju po odredbama ove Odluke nije bio dužan da plati, kao i obveznik koji je taksu platio u iznosu većem od propisanog, ima pravo na povrat iznosa koji nije bio dužan da plati.

(2) Zahtjev za povrat sredstava se podnosi Poreznoj upravi odnosno nadležnoj Općinskoj službi koja je nadležna za utvrđivanje takse.

(3) Porezna uprava, odnosno nadležna Općinska služba, je dužna da u roku od 30 dana odluči o zahtjevu.

III. KRITERIJI ZA UTVRĐIVANJE VISINE TAKSE

Član 15.
(Kriterij za utvrđivanje visine takse)

Visina takse utvrđuje se prema sljedećim kriterijima, i to:

- a) površina prostora po m² koja se koristi,
- b) broj komada predmeta koji se koriste,
- c) zone u kojima se koriste predmeti, prostori ili pružaju usluge.

Član 16.
(Zone za utvrđivanje takse)

Područje općine Vareš u pogledu utvrđivanja visine takse dijeli se na četiri zone navedene u Aneksu I, koji je sastavni dio ove Odluke.

IV. OSLOBAĐANJE OD PLAĆANJA I POVRAT TAKSE

Član 17.
(Oslobađanje od plaćanja komunalne takse)

- (1) Od plaćanja komunalne takse iz člana 3. oslobođeni su:
- a) organi državne, federalne i kantonalne uprave i lokalne samouprave;
 - b) federalne, kantonalne i lokalne javne ustanove;
 - c) javna preduzeća čiji je osnivač Općina Vareš;
 - d) poljoprivredne zadruge, zavodi, vjerske zajednice, političke stranke, sindikati, komore, udruženja, dobrovoljna vatrogasna društva, turističke zajednice, sportska društva i savezi, fondacije, zaklade, humanitarne organizacije;
 - e) Radio i televizijske djelatnosti.
- (2) Od plaćanja komunalne takse iz člana 3. oslobođeni su obrtnici/samostalni privrednici odnosno fizička lica koji obavljaju djelatnost tradicionalnih i starih zanata, a koji su utvrđeni Uredbom za zaštitu tradicionalnih i starih obrta ("Službene novine Federacije BiH", broj 66/09, 38/10 i 16/12).

Član 18.
(Nadzor i kontrola prijave)

- (1) Nadzor nad provođenjem ove Odluke u pogledu prijave, obračuna i plaćanja takse, kao i prinudnu naplatu u slučaju neplaćanja takse iz člana 3. tačka a). b) i e) ove Odluke vrši nadležni Kantonalni porezni ured – Porezna ispostava Vareš.
- (2) Nadzor nad provođenjem ove Odluke u pogledu prijave, obračuna i plaćanja takse, kao i prinudnu naplatu putem Općinskog pravobranilaštva u slučaju neplaćanja takse iz člana 3. tačka c) i d) vrši nadležna Općinska služba.

Član 19.
(Stvarno nadležni organi za provođenje ove Odluke)

Ovu Odluku provodi Porezna uprava i Služba za privredu, finansije i trezor.

V. KAZNE NE ODREDBE

Član 20.
(Kazne za prekršaje)

- (1) Novčanom kaznom u iznosu od 1.000,00 KM do 2.000,00 KM kaznit će se za prekršaj pravno lice, ako u roku propisanim članom 7. ove Odluke, ne podnese prijavu za komunalnu taksu utvrđenu članom 3. iste Odluke.
- (2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 500,00 KM do 1.000,00 KM.

(3) Za prekršaj iz stava (1) ovog člana kaznit će se i fizičko lice, novčanom kaznom u iznosu od 300,00 KM – 800,00 KM.

(4) Za prekršaj iz stava (1) ovog člana kaznit će se i fizičko lice, koje obavlja samostalnu poslovnu djelatnost – obrt, novčanom kaznom u iznosu od 300,00 KM do 800,00 KM.

VI. PRELAZNE I ZAVRŠNE ODREDBE

Član 21.

(Započeti neokončani postupci)

Postupci razreza visine iznosa takse koji nisu pravosnažno okončani do dana stupanja na snagu ove Odluke, biće okončani prema odredbama ove Odluke o komunalnim taksama Općine Vareš.

Član 22.

(Stupanje na snagu)

Ova Odluka stupa na snagu danom donošenja i bit će objavljena na oglasnoj tabli i web stranici Općine Vareš.

Član 23.

(Prestanak važenja ranijih propisa)

Stupanjem na snagu ove Odluke prestaje važiti Odluka o općinskim komunalnim taksama broj: 01-301/25 od 27.11. 2025. godine.

ANEKS I – ZONE PODRUČJA OPĆINE VAREŠ

III – ZONA

- Ulica Čaršija obuhvata prostor Zelene pijace, ulica Zvijezda počinje od spomenika i obuhvata objekte s lijeve i desne strane saobraćajnice do Beničkog mosta odnosno bivše česme „Nikovac“, ulica Put Mira obuhvata objekte s lijeve i desne strane saobraćajnice, od objekta O-8 uključujući ga, do objekta P+4 i odvojka za Upravnu zgradu JKP Vareš (P-4, kuća pod zidom Tome Dodika, Maličeva, kuća na potoku, Upravna zgrada JKP, Stara crkva, OŠ), ulica Franjići obuhvata objekte s lijeve strane rijeke Stavnje, počevši od objekta P+4 do Općine, isključujući MSŠ. Granica između ulice Franjići i Stojkovići je pješački put za Kicelj.

IV – ZONA

- Ulica Nikovac obuhvata objekte s lijeve strane regionalnog puta počevši od bivše česme „Nikovac“ do pristupne ceste za Selište, osim objekta S-32, ulica Tirići odvaja se od glavne ulice (kod cvjećare Palma) i obuhvata objekte s lijeve i desne strane koji imaju prilaz iz te ulice, do Pruge, ulica Stojkovići obuhvata objekte iznad objekta P+4 i Pravoslavne crkve s lijeve i desne strane saobraćajnice do u Tegove, dio ulice Glavica obuhvata objekte koji imaju izlaz na saobraćajnicu, ulica Rudarska obuhvata objekte s lijeve i desne strane rijeke Stavnje, od spomenika do pumpne stanice Energopetrola, ulica Korovinjići obuhvata objekte iza K-objekata, odnosno lijevo od Tirića, vertikalno do Pruge, ulica Benići počinje od Benića mosta i obuhvata objekte s lijeve i desne strane iznad Silosa, ulica Jušići obuhvata objekte između regionalnog puta i rijeke Stavnje počevši od Beničkog mosta, ulica Metalska obuhvata objekte od benzinske pumpe Energopetrola do Kasine, uključujući i objekat Vilko, ulica Majdanska

obuhvata objekte od Robne kuće, uključujući i objekat DTV Partizan, do izlaza iz Vareš Majdana, ulica Ljevarska obuhvata objekte s lijeve i desne strane puta, od crkve do kraja stambenih objekata, ulica Industrijska obuhvata objekte od željezničke stanice prema Stupnom Dolu uključujući i Tvornicu rezervnih dijelova.

V - ZONA

- Ostali dijelovi ulice Glavica, ulica Matijevići obuhvata objekte s lijeve strane rijeke Stavnje, počevši od pekare do Matijeviće okuke, ulica Ljepovići počinje od Hadžijne čuprije i obuhvata objekte s lijeve i desne strane regionalnog puta, i od Hadžijne čuprije prema stolariji do kraja naselja. Lijevi krak obuhvaća objekte s lijeve i desne strane Blaževog potoka, a desni krak obuhvata objekte s lijeve i desne strane, do Matijevića okuke, ulica Selište obuhvata objekte od skretanja za Selište s desne strane pristupne ceste, objekte iznad stare pruge uključujući objekte S-32, S-I, S-II i S-III, pa do priključka stare pruge na pogarsku cestu, ulica Pruga obuhvata objekte od S-III, pa do priključka stare pruge na pogarsku cestu, ulica Pruga obuhvata objekte od S-III, ne uključujući ga, i obuhvata objekte s lijeve i desne strane saobraćajnice sve do spuštaljke – istok, ulica Zukići obuhvata objekte od O-8 uz Mustafin potok do pod Divinicu, uključujući i četiri objekta iza O objekata, ulica Kusaća obuhvata objekte s lijeve strane rijeke Stavnje, od pumpne stanice Energopetrola do STK, ulica Novakovići obuhvata prostor od skretanja za Selište i obuhvata prvi red objekata s lijeve strane regionalnog puta koji imaju pristup s regionalnog puta do skretanja za Pogar, i isti dio s desne strane, ispod regionalnog puta, uključujući i objekat Mlina, ulica Ćamilov Potok obuhvata objekte s lijeve i desne strane Ćamilovog Potoka, uključujući objekte Doma zdravlja i objekat tzv. Senat, ulica Perunska obuhvata objekte od ulice Ćamilov Potok do odvojka za Planinicu, uključujući i objekat S36, naselje Pajtov Han, Dabravine i Ponikva (unutar 100 m od regionalnog puta).

VI – ZONA

- Ulica Kota obuhvata objekte naseljenog područja na zapadnoj padini, a koji nisu ušli u ulicu Selište i Pruga, ulica Zagarski Potok obuhvata objekte od pruge Restve do skladišta eksploziva, uključujući kuću Alojzija Jelića, ulica Planinarska obuhvata objekte od raskršća za Planinicu, prema igralištu i Planinici, ulica Rajčevac obuhvata objekte u naselju Rajčevac, ostalo naseljeno područje Pajtov Han, Dabravine i Ponikva, ostala područja općine Vareš unutar 100 m od regionalnog puta, a koja nisu navedena u predhodnim zonama.

ANEKS II – TARIFA KOMUNALNIH TAKSI

TARIFA BROJ 1. (Poslovni prostor u kojem se priređuju klasične igre na sreću i/ili posebne igre na sreću)

Poslovni prostor u kojem se priređuju klasične igre na sreću i/ili posebne igre na sreću (KM/godišnje)	III ZONA	IV ZONA	V ZONA	VI ZONA
	KM	KM	KM	KM
Iznos takse:	10.000,00	9.500,00	9.000,00	8.500,00

TARIFA BROJ 2. (Držanje i izvođenje muzike uživo u ugostiteljskim objektima)

a) Za priređivanje muzike uživo u ugostiteljskim objektima plaća se komunalna taksa dnevno u iznosu od 15,00 KM, s tim da se za istu podnosi prijava poreskoj upravi najkasnije tri dana prije početka izvođenja muzike.

TARIFA BROJ 3. (Isticanje objava, oglasa plakata, panoa i saopćenja na javnim mjestima)
Za isticanje objava, oglasa plakata, panoa i saopćenja na javnim mjestima određenim za te namjene plaća se jednokratno taksa, i to za:

- a) Seriju do 100 kom. 50,00 KM
- b) Seriju preko 100 kom. 100,00 KM
- c) Postavljanje stalnih panoa i displeja po 1m² 50,00 KM godišnje.
- d) Postavljanje povremenih panoa i displeja po 1m² 3,00 KM po danu.

TARIFA BROJ 4. (Svako korištenje prostora na mjestima za kampove)

Za postavljanje kampova na javnim mjestima (šatora, prikolica, motornih vozila svih kategorija) deponije materijala i drugu privremenu upotrebu plaća se dnevna taksa:

- a) Za svaki šator 1,00 KM
- b) Za kamp prikolicu 0,50 KM
- c) Za motorno vozilo 0,50 KM

TARIFA BROJ 5. (Postavljanje uređaja za isplatu i naplatu gotovine (bankomata))

Za postavljanje uređaja za isplatu i naplatu gotovine (bankomati i sl.) plaća se taksa godišnje po jednom uređaju u iznosu od 1.000,00 KM.



**PREDSJEDAVAJUĆI
OPĆINSKOG VIJEĆA**

Igor Šimić
Igor Šimić

Odluka objavljena na oglasnoj tabli Općine Vareš dana 04.05. 2026. godine.



OPĆINSKI NAČELNIK

Malik Rizvanović
Malik Rizvanović

O b r a z l o ž e n j e

Odluke o komunalnim taksama

I PRAVNI OSNOV

Pravni osnov za donošenje Odluke o komunalnim taksama sadržan je u:

- **Zakonu o principima lokalne samouprave u FBiH** („Službene novine FBiH“, broj: 49/06 i 51/09)
 - član 13. stav 2. alineja 4.: Općinsko vijeće u okviru svojih nadležnosti donosi propise o porezima, taksama, naknadama i doprinosima jedinice lokalne samouprave u skladu sa zakonom;
 - član 36.: U zakonom propisanim okvirima jedinice lokalne samouprave donose propise o naknadama i taksama, kao i provedbene propise o oporezivanju;
 - član 37. stav 1. tačka a) alineja 2.: Jedinicama lokalne samouprave pripadaju kao vlastiti prihod, lokalne takse i naknade čije iznose utvrđuje Općinsko vijeće u skladu sa zakonom.
- **Zakonu o pripadnosti javnih prihoda u FBiH** („Službene novine FBiH“, broj:22/06 43/08, 22/09, 35/14, 94/15 i 17/22)
 - član 13. stav 1. tačka c): Jedinici lokalne samouprave pripadaju, kao javni prihod; naknade i takse u skladu sa propisima jedinica lokalne samouprave.
- **Statutu Općine Vareš-Prečišćeni tekst broj: 01-162/12 od 11.09.2012. godine**
 - član 22. tačka 6.: Općinsko vijeće u okviru svoje nadležnosti donosi propise o porezima, taksama, naknadama i doprinosima Općine u skladu sa zakonom;
 - član 86.; stav 2. tačka a) alineja 3.: Vlastiti prihodi Općine su komunalne takse, druge takse i naknade u skladu sa općinskim propisima.

II RAZLOZI ZA DONOŠENJE ODLUKE

Razlog za donošenje Odluke o komunalnim taksama je sljedeći: Na 12. sjednici Općinskog vijeća Vareš održanoj 29.12. 2025. godine, vijećnik Nermin Hrvat je podnio usmenu inicijativu da se pristupi izmjeni Odluke o općinskim komunalnim taksama broj: 01-301/25 od 27.11.2025. godine, kojom bi se uvela komunalna taksa za priređivače igara na sreću.

Da bi postupili u skladu sa navedenom inicijativom, predlagač se opredijelio da pristupi izradi Prijedloga nove Odluke o komunalnim taksama u kojoj je uvrštena komunalna taksa za korištenje poslovnog prostora u kojem se priređuju klasične igre na sreću i/ili posebne igre na sreću.

III FINANSIJSKA SREDSTVA

Za provođenje ove Odluke nisu potrebna dodatna finansijska sredstva u Budžetu Općine Vareš.

Obrađivači akta: Salih Memić, Mirza Fatić, Belma Karamustafić i Nermin Šečo.

PREDLAGAČ
OPĆINSKI NAČELNIK

Malik Rizvanović
Malik Rizvanović

IDENTIFIKACIONI BROJ POREZNOG OBVEZNIKA _____
NAZIV PRAVNOG LICA – FIZIČKOG LICA _____
ADRESA: _____

PKT

IDENTIFIKACIONI BROJ ZASTUPNIKA PRIJAVE _____
NAZIV ILI IME I PREZIME _____
ADRESA POTPISNIKA PRIJAVE: _____

Broj telefona _____

KANTONALNI POREZNI URED ZENICA
ISPOSTAVA VAREŠ

KOMUNALNA TAKSA ZA KORIŠTENJE POSLOVNOG PROSTORA U KOJEM SE PRIREĐUJU KLASIČNE IGRE NA SREĆU I/ILI POSEBNE IGRE NA SREĆU ZA PERIOD OD _____ DO _____ OZNAKA OPĆINE –096-VAREŠ

R. br.	Adresa poslovnog prostora ili lokacije gdje nastaje taksena obaveza	Broj poslovnih jedinica taksenog obveznika	Tarifni broj	Zona	Iznos takse (KM)	Vrsta prihoda	UPLATNI RAČUN
1	2	3	4	5	7	8	9
						722321	3380002210017420
UKUPNO:							

POTPIS I PEČAT PODNOSIOCA PRIJAVE

IDENTIFIKACIONI BROJ POREZNOG OBVEZNIKA _____
NAZIV PRAVNOG LICA – FIZIČKOG LICA _____
ADRESA: _____

PKT

IDENTIFIKACIONI BROJ ZASTUPNIKA PRIJAVE _____
NAZIV ILI IME I PREZIME _____
ADRESA POTPISNIKA PRIJAVE: _____

Broj telefona _____

KANTONALNI POREZNI URED ZENICA
ISPOSTAVA VAREŠ

b) DRŽANJE I IZVOĐENJE MUZIKE UŽIVO U UGOSTITELJSKIM OBJEKTIMA

R. br.	Mjesto - adresa ugostiteljskog objekta u kojem se vrši držanje i izvođenje muzike uživo	Broj dana u kojima se izvodi muzika	Dnevni iznos (KM)	Iznos takse	Vrsta prihoda	UPLATNI RAČUN
1	2	3	4	5	6	7
						3380002210017420
					722321	
UKUPNO:						

e) POSTAVLJANJE UREĐAJA ZA ISPLATU I NAPLATU GOTOVINE

R. br.	Mjesto-adresa na kojoj je postavljen uređaj za isplatu i naplatu gotovine	Zona	Broj uređaja	Godišnji iznos (KM)	Iznos takse	Vrsta prihoda	UPLATNI RAČUN
1	2	3	4	5	6	7	8
							3380002210017420
						722321	
UKUPNO:							

POTPIS I PEČAT PODNOSIOCA PRIJAVE

IDENTIFIKACIONI BROJ POREZNOG OBVEZNIKA _____
NAZIV PRAVNOG LICA – FIZIČKOG LICA _____
ADRESA: _____

PKT

IDENTIFIKACIONI BROJ ZASTUPNIKA PRIJAVE _____
NAZIV ILI IME I PREZIME _____
ADRESA POTPISNIKA PRIJAVE: _____

Broj telefona _____

OPĆINA VAREŠ
STRUČNA SLUŽBA ZA PROSTORNO UREĐENJE

c) ISTICANJE OBJAVA, OGLASA I SAOPĆENJA NA JAVNIMA MJESTIMA

R. br.	Broj objava, oglasa i saopćenja u skladu sa tarifnim brojem 3. Odluke	Jednokratni iznos (KM)	Iznos takse	Vrsta prihoda	UPLATNI RAČUN
1	2	3	4	5	6
					3380002210017420
				722321	
UKUPNO:					

d) KORIŠTENJE PROSTORA NA JAVNIM MJESTIMA ZA KAMPOVE

R. br.	Broj rješenja o zakupu javne površine koje izdaje nadležna općinska služba	Broj kampova, šatora, motornih vozila	Iznos po danu (KM)	Iznos takse	Vrsta prihoda	UPLATNI RAČUN
1	2	3	4	5	6	7
						3380002210017420
					722321	
UKUPNO:						

POTPIS I PEČAT PODNOSIOCA PRIJAVE
